



- EDITORIAL • RÂL VÊNGTU
- » MODERATOR KUM THAR THUCHAH
- » SYNOD OFFICE HAWN A NI LEH TA
- » KUM 2022-2024 EDITORIAL BOARD

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXVII

No. 1

E-mail: synodnews@gmail.com

JANUARY 2022

LÂWRKHAWM

PASTOR LEH PRO. PASTOR INDUCTION

Synod Inkhâwmpui wawi 98-nain a lo rêl tawh angin January ni 8 leh 9, 2022 khân Mizoram chhûng leh pâwn hmun hrang hrangah Pastor leh Pro. Pastor Induction hun tluang taka hman a ni a. January ni 8, 2022-ah Bial thar hawnna inkhâwm hmangin, a tûk Pathiannah Pastor Induction buatsaih a ni. Bial thar pathum : Mizoram chhûngah Bial 1 – Tualchêng Bial leh Mizoram pâwnah Bial 2 – Rayagada Bial (Odisha Field) leh Kulpi Bial (Calcutta Field)-te hawn thar a ni bawk.

Hripui lêngin ziaawm lam a la pan theih loh avângin Bial thênkhatah chuan Pastor Induction hi hman theih a ni lo thung.

EXECUTIVE SECRETARY-TE HNA CHANPUAL

Hetiang hian Synod Executive Secretary-te hna chanpual siam a ni:

Rev. C. Zoramawia Senior Executive Secretary

Pastoral, Finance, General Administration, Theological Education, Service Board, Synod Trust, Administrative Area, Mizoram Christian College (MCC), Pension & Provident Fund, Revival, Nupa Thu leh tûl dang apiang

Rev. V.L. Luaia Hránleh Executive Secretary

MSSU, PRESCOM, Hospital, SL&PB, Kohhran Hmeichhia, Hmangaihna In, Hmeichhe Hostel, FG&CC, SMTC, Archives, Endowment Fund, Research & Evaluation Wing (REW).

Rev. Dr K. Lallâwmzuala Executive Secretary

Ramthar, Education, Social Front, Synod Worship, KTP, Synod Information & Publicity, Presbyterian Bible School, Synod Prison Ministry, Campus Ministry, Partnership, Zirlai Viltu.

Moderator Kum Thar Thuchah

NUN LEH RAWNGBAWLNA KAIHRUAITU TUR

Sam 34:6-7



Rev. Dr Vânlalngâka Râlte
Synod Moderator

Kum thar 2022 lâwmawm tak kan lo chuangkai ta a. Hemi hun thleng thei tûra Pathianin a kut chaka min hruainaah lâwm thu i sawi theuh ang u. Kum bul kan tan mêk lai hian kum tluan atâna kan vawn reng tûr leh, kan nun leh rawngbâwlna kal zêla kan rilru kaihruaitu atân hêng thute hi lo ngaihtuah ho ila.

1. Hun khirh hnuai ringtute : Kum hnih chhûng dawn chu Covid-19 hripuiin min châmchilh ta a. He hripui hian kan nun pêng hrang hrang a nghawng nasa hle a. Kan nun hona te a tibuai a, kan eizawna te a tibahlah a, kan sakhaw nun leh rawngbâwl dân te pawh nasa takin a her danglam a ni. Covid-19 hri kan kai a; kan chhûngte, kan thian tha leh kan rawngbâwlpuite eng emaw zâtin hripui avâng hian nunna an chân a ni. Kan ngam loh leh kan dawnsawn thiam loh hripuiin min nuai avâng hian kan rilru, taksa leh thlarau a chau tlâng a, mi tam tak chu thlaphâng leh hlauthâwng rêng rêngin kan awm a ni.

Hetiang kârah hian ringtute chu chai mai tûr kan ni lo, rinnaa ding nghet tûr leh remchâna zawnga rawngbâwlinaa tan la thar sauh sauh tûrin kan inchah a ni. Khawvêl chanchinah hun harsa bik a thlen châng a awm thîn. Amaherawhchu, chûng hunah pawh chuan Pathianin a mite chu a theihngilh ngai lo va. Hun tha zâwk leh duhawm zâwkah a hruai thleng thîn.

Bible-a Israel fate chanchin kan hmuhah chu chu Chiang takin a lang. Aigupta bawih ata leh Babulon sal ata Pathianin a kut chakin a hruai chhuak a, hripui, tâm leh hmêlma lak atang te pawhin a chhanchhuak thîn. Kohhran hmasa hun leh Kohhran chanchin kal zêlah pawh harsatna kârah ringtute chu an ding chhuak leh ngei thîn a ni. Hêng hunah hian ringtuten harsatna leh hrehawmna an pumpeloh lo. Mahse, Pathianin a mite chu a kut chakin a chelh reng a, hun harsa tak leh tuarna namên lote chu a pal tlangtîr thîn a ni. Covid-19 hripui avânga hun harsa tak kan tawh mêkna kârah pawh hian engkim chungathuneitu leh rorêltu, a mite vêngghim thîntu Pathianah rinna i nghat tlat ang u (Sam 46; 91:1-10).

Kan nunah inher danglam a tûlna zâwnah chuan insiam rem hreh lo ila; kan theihna zâwn apiangah mi dangte mamawh phuhrûk tum ila; kan awmna hmun apiang hi khawvêl nuam zâwka siam tumin thil tha i ti zêl ang u (Eph 5:10). Hêng hun khirh tak

Phek 2-naah chhonzawm a ni...

SYNOD OFFICE HAWN A NI LEH TA

January ni 6, 2022 (Ningani) khân kumin 2022 atân Synod Office hawn tan a ni a. Hnathawh tan hma Pathian biak inkhâwm hi Rev. Dr. Vânlalngâka Râlte, Synod Moderator-in kaihruaiin Pathian thuchah a sawi a, thawktuten inhlatharna leh tanngtai rualna hun an hmang. Hetah hian Synod Office-a awm thar tûr mi 10 inhmêlhrattîrin, lawmna hun hman ngâl a ni bawk.



SYNOD Newsletter

EDITORIAL STAFF

Rev. Lalbiaknia
Rev. V.L. Luaia Hranleh
Upa K. Lalnginglova
Zohmingliana Colney

Editorial

KUM THARAH RILRU THAR

Pathian khawngaihna avâng chauhva kum thar 2022 hi thleng kan ni a. Kum a thar angin kan rilru pawh thar ve sela.

Kan nihna pawm thiam tura rilru thar neih a pawimawh. Kum lo thar zêl hian hring nunah thil a thlâkthleng thîn. Naupang kha thalaih, puitlingah, puitling kha kum upaah. Hun inherin mihring nun a tihdanglam hi pawm thiam a ngai viau mai. “Kohhranah pawh kum upaten naupang zâwkte hmun ken nachâng an hriat a tûl. Thalai emaw intih reng te hi kum 40 pelh hnu chuan a tûl lêm lo. Kum 70 pelh hnu rilru leh thahrui chak tawh lovin rawngbâwlnaa hruaitu nih chuh tlat te pawh a hun tawh lo, valai zâwkte kian thiam nih a hlu tawh zâwk. Rilru tharin, Krista leh a kohhran thâtna tûra insiamrem thiam a pawimawh thîn. Hnah hlui a tîl a, hnah thar a lo chhuak a, thing chu a lian sawt a, a lo mawi thar leh thîn ang hian, Krista taksa Kohhran thang lian zêl tûrin rilru thar i pu ang u.

Ni tina kan hnathawh leh kan thiltih thinte chu kan chhonzawm leh ta a. Kan hna chu ngai reng mah se, rilru thara kan thawh a pawimawh khawp mai. Office-a thawk kan nih pawhin, kum dang aia dâwr nuam, mi dangte tan thawhpui nuam, kum dang aia thawk chak leh thawk tha tûrin, rilru tharin danglam ila. Kan ni tin hna theuhvah Lalpan engtia thawk leh ti tûrin nge min duh ang tih ngaihtuah chungin, kan hna theuh thawk tûrin bul i tan teh ang u.

Mi dangte thlarau nun hruai tûra mawhphurhna nei kan nih avangin rawngbâwltute intuak taihmâk a ngai. Mahni hun a chhuaha tlingtla ve hrâm, chanvo neiha lungawi mai lovin, Pathian be pawp, thuchah dawng tûra inbuatsaih peihin bul tan ila. Thilphalna thilung neiin, kum a thar angin hmasâwn tûra rilru kan put a tha.

Chhûngkaw inlaichinna tha zâwk siam tûrin rilru thar nêl tan i la teh ang u. Nupa kan nih chuan Pathian hmaa inneih thutiam kan neih kha, nu leh pa zawng zawngin vawng thar leh ila, chhûngkaw dam nân a pawimawh hle a nia. Chhûngkaw kan inbiakna pawh tawngkam malsâwm ni rawh se. Chhûngkaw hlimna thlen tûrin sawisêltu ni lovin faktu, lâwm thu sawitu leh a chetuah tang ve ila. Chhûngkaw pawh a nuam zâwk ngei ang.

Phêk 1-na zawmna...

kan tawnte atang hian mihringte derdêpzia leh mihringah inngahna tûr a awm lohzia a lang chiang a. Pathian kuta tlûk luh himzia leh hlutzia i hre thar leh teh ang u. Hêng hun harsa kâra Pathianin min hruaina hi ngaihnaawm ti takin kan la thlîr kîr leh dâwn a ni.

2. Chhûngkua ngaih pawimawh : Pathian remruat dânah chuan mihringte hi chhûngkuaa awm tûr, inthlah pung zêl tûr, rinna thuthlung vawngtu tûr leh mi dangte hnêna rinna hlân chhâwng zêl tûr kan ni (Gen 1:27-28; Mal 2:15). Amaherawhchu, sual leh a hnathawh avângin mihring inlaichinna leh nun hona boruak thate tihchhiat a ni thîn a. Kristiante zîngah ngei pawh chhûngkaw kehchhia, inrem lo leh rinna thuthlung vawng him tha lo kan awm thîn. Khawvêl hmasâwnna (development), tûnlaina (modernity) leh nun inzâr zawmna (globalization) te hian thil tha tam tak min hlui laiin, chhûngkaw nun hona boruak tha a rawn thiat nasa ta hle mai. Chuvângin, kawng hrang hranga kan nunphung nghet leh thate thiahsaka kan awm mêkna kârah hian, ringtute chu chhûngkaw ngaihhlutna leh dah pawimawhna lamah hian kan kîr leh a tûl a ni. Bible-in nu leh pa zah tûra min zirtîrna te leh chhûngkuaa Pathian hriatna, tihna leh chibai bûkna a dah laipui dan te ngai pawimawhin i inzirtîr uar thar leh ang u.

Mizo thangtharte hian nupui/pasal neih kan hmanhmawh ta lo hlein a lang a, a inneite zînga tam tak pawhin fa pahnih khat kan duhtâwk ta niin a lang. Hetianga kan kal zêl chuan kan hnam hi kan kiam zêl ang a, kan hnam din khawchhuahna tûrah leh Pathian rawng kan bâwl zêlna tûrah harsatna kan tawh hun a la thleng mai dâwn a ni. Chhûngkaw nghet tak dina, inthlah pun zêl hi rinna thuthlung kan inhlân chhâwnna atân leh Pathian rawng kan bâwl zêlna atân thil pawimawh a ni tih kan hriat reng a pawimawh a ni.

3. Mi rethei leh dinhmun chhe zâwkte ngaihsak : Pathian ze pui langsâr tak chu – mi retheite leh dinhmun harsa zâwkte ngaihsak hi a ni (Sam 82:1–4). Hemi kawngah hi chuan Pathianin a rilru a thlâk ngai lo va, chak tak leh tlang takin hma a la zêl thîn. Bible-a kan hmuh angin, Pathianin mi hnuaihngung zâwkte a ngaihsakna leh an

lama a tan tlatnaah hian mi mal, pâwlho leh hnam pum pui a thlîr reng a, anmahni tanpui tûrin a che chhuak thîn (Ex 3:7–10; Sam 34:4–7). Isua nun leh zirtîrnaah pawh mi rethei leh chanhai zâwkte ngaihsakna leh duhsakna langsâr tak kan hmu a ni (Lk 4:18,19). Kohhran chanchinah leh Chanchin Tha rawngbâwlnaah pawh hei hi a laipui hle thîn a ni. Vawîina ringtute pawh hian kohhran, chhûngkua leh mi malin kan theih chen chenah rethei leh dinhmun harsa zâwkte kan ngaihsak zui reng a tûl. Pathian hminga mi rethei leh chanhaite chung a lainatna leh thâtna lantîr thîn kohhran leh chhûngkua chu Pathianin a chelh reng dâwn a, a rûl ngei dâwn baw a ni (Thuf 19:17). Kan vêlah taksa, rilru leh thlarau lama pachhiate leh harsatna bik neite, mi dangte pâwl pha lo leh inkiltawihte an awm reng thîn. Hêngho thleng phâk tûr hian lainatna leh thâtna kan luan chhuahtîr zêl a pawimawh a ni.

4. Hmasâwn zêl tum tûr : Khawvêl danglam zêl kârah ringtute hian kan dinhmun mêk atangin hmasawn zêl kan tum tûr a ni (Phil 3:16). Mizo Kristiante hian hnam dangte um phâk ve zêl tûra tan kan lâk a pawimawh. Kan eizawna kawngah pawh hian thiam bîk neih (professionalism) lamah hian kan tlân nasat lehzual a ngai. Thil thiam dûma, thiam bîk nei si lote hi mi hman tlâk tak tak an ni thei thîn lo. Kan kalna lam apianga thiam tak leh hman tlâk ni tûra kan thawh rim a tûl. Mizote hi a huho nunah kan tha hle. Chu chu kan sakhaw nun leh rawngbâwlnaah pawh a ni tho mai. A huhova thil tih tûr chu awm baw mah se, mi mala thil luhchilh zêl hi kan hmasawnna tûr pakhat a ni. Eizawna thilah pawh – kut hnathawh, sumdâwn, lehkha leh thiamna dang zirna kawngah te, mi dang tih ang zêl zui ngawt lovin, thil thar tih tûr tha leh tangkai zawn thiam a pawimawh a. Kan thlarau minaah pawh a huhova kan tih tlân thîn piah lamah, mi mal nuna Pathian pâwlna leh a duh ang hlen chhuak tûra theihtâwp chhuah ngar ngar thîntu nih kan tum theuh a pawimawh. Mi mal nuna thlarau mina dik infin khâwm chuan Pathian kohhran nung leh rawngbâwltu tangkai a hring chhuak ang a. Pathian ram a zau zêl ang a, Pathian a ropui zêl dâwn a ni. Amen.

Râl Vêngtu

Mipuite chu Râl Vêngtu râl vên bûk kiangah lo kal khâwmin ngui takin an ding khâwm a. "Râl Vêngtu, hei kum bul kan tan chauh va, covid hri lêng a rawn hluar thar leh a, kan tum angin hna pawh kan thawk tha thei leh ta lo. Kan mangangin kan hlim thei hauh lo mai. Engtin nge kan tih ang? Hmâna kan inkhâwm thin leh kan hlim thin ang khân hlim leh kan châk a, kan hlim thei baw si lo," tiin an zâwt a.

Râl Vêngtu chuan, "A ni rêng asin! Hmâna in hlim leh lâwmna anga tûna hlim in tum tlat chuan in hlim thei rêng nang. Kum a thar ang bawkin in rilru pawh tithar ve ta che u," tiin a lo chhâng a.

Mipuite chuan, "Râl Vêngtu, a nih leh engtin nge kan tih ang?" tiin an zâwt leh a.

Râl Vêngtu chuan, "Hun kal tawha rilru chêng tlatte chuan hmâna an hlimna leh lâwmna ang kha an zawng a. Chumi neih lêt leh tum chuan an buai a, an nun hluin a hung bet tlat a, hma lam an pan thei thin lo. Kum tharah hian eng nge lo thleng zêl ang tih chu kan hre lâwk thei lo nain, rilru tharin thil lo thleng chu hmachhawn ula, remchâna lei thiam tum ula. Biak Ina in inkhâwm theih loh pawhin mahni chhûngkua leh mi mal fianrialah Pathian biak thlahthlam lo ula. Bible chhiar leh tanngtaiin hun hmang tam ula. Hna in thawh theih hunah taima tak leh rinawm takin thawk ula. Tichuan, in zawn leh in thlâkhleh, hlimna chu a lo thleng mai ang. Chutiang a nih theih nân hma lam panin pên rawh u," tiin a hrih ta zêk hlawm a.

Mipuite chuan, "A ni dâwn tak e! Râl Vêngtu, hmâna kan hlim leh lâwmna ang khera hlim leh lâwmna neih tum lovin, mahni chauh pawha hlim leh lâwm thei tûrin eng hun pawh hmachhawn ila. Hlimna leh lâwmna chu kan thawh chhuah theih nân hma lam pan kan lo tum tawh ang e," tiin mahni in lamah an hawng ta diah diah a.

SYNOD HOSPITAL, DURTLÂNG THILPÊK DAWNTE (September & October, 2021)

I. CHARITY FUND

1. Sihphir Bial	₹ 50,000/-
2. Barak Meitei Prebytery	₹ 12,565/-
3. Saitual Bial Kohhran Hmeichhia	₹ 10,000/-
4. Bairabi Kohhran Hmeichhia	₹ 7,000/-
5. Phullen Bial	₹ 10,000/-
6. Durtlang Bial Kohhran Hmeichhia	₹ 50,000/-
7. Unknown	₹ 1,000/-
8. Zohmun Bial	₹ 5,000/-
9. Silchar Mizo Bial Kohhran Hmeichhia	₹ 15,850/-
10. Pu Lalhmachhuana, Electric Vêng, Aizawl	₹ 2,000/-
11. Pi Lalremi, Zemabâwk North	₹ 5,000/-
12. Lalnunhlu, Mission Vêngthlang	₹ 5,000/-
13. Ngopa Bial Kohhran Pavalai Pâwl	₹ 10,000/-
14. Thuampui Bial Kohhran Hmeichhia	₹ 20,000/-
15. Biata Kohhran Pavalai Pâwl	₹ 10,000/-
16. KTP, Zemabâwk Bial	₹ 15,000/-
17. Pu Zodinliana, Mission Vêng, Aizawl	₹ 1,500/-
18. Lungdai Hmâr Vêng Kohhran	₹ 2,000/-
19. Lungdai Kohhran	₹ 4,000/-
20. Khawlailung Bial	₹ 10,000/-
21. Upa C.L. Dawngliana te nupa, Vênghnuai, Aizawl	₹ 3,000/-
22. KTP, Zaita Bial, Cachar, Assam	₹ 2,000/-
23. Kâwnpui Hmâr Vêng Kohhran Hmeichhia	₹ 10,000/-
24. Mualchêng Vêngpui Presbyterian Kohhran	₹ 1,500/-
25. The Salvation Army Youth, Thuampui Corps	₹ 5,000/-

II. GRACE HOME TANA PETE

1. Hlimen Venghlu Bial Kohhran Hmeichhia	₹ 14,110/-
2. Armed Veng North Kohhran Hmeichhia, Aizawl	₹ 20,000/-
3. Thuampui Bial Kohhran Hmeichhia	₹ 20,000/-

III. THISEN PETUTE

	UNIT ZAT
1. K.T.P., Bethlehem North Branch, Aizawl	26
2. K.T.P., Vaivakawn Branch	45
3. K.T.P., Himali Bial	18
4. KTP, Ramthar Vêng Bial, Aizawl	60
5. KTP, Bethlehem Vêngthlang Branch, Aizawl	30
6. KTP, Chanmari Branch	27
7. KTP, Laipuitlâng Branch	53

IV. THIL DANG PETUTE

1. Dr. Samuela Sailo, Synod Hospital – Naupang Ward tan Portable Oxygen Cylinder (170 litres) 1 leh Chair 7
2. KTP, Thingsûlthliah Bial – Thutthlêngsei 5
3. KTP, Thingsûlthliah Branch – Hmunphiah thahnem tak
4. Airfield Vengthar Bial Kohhran Hmeichhia – Naupang Ward tan Nebulizer 3
5. KTP, Pângbâlkâwn Bial – Thutthlêngsei 10
6. Gideon International, Aizawl North Camp, Aizawl Branch – Thuthlung Thar bu 18 leh a dah thahna tur
7. KTP, Leitan Ramthar Branch – Thutthlêngsei 2 (Cushion telin)

V. PAWISA DAWN ZAWNG ZAWNG ₹3,21,525/-

NGENNA : Hospital Consultative Body Meeting (CBM) chuan Hospital mamawh Kohhranhoten min pêk thinah lâwm thu a sawi rualin, hêng hi min chhinchhiahsak tûrin Kohhranho a ngên:

1. Thilpêkah kan tih theih zâwng/tâwk a awm theuh ang a. Chutih rualin Hospital mamawh kan pêk theih nân hotute zawh hmasak ni thei se a lâwmawm hle ang.

Director : 9436154365

Nursing Superintendent : 8729858633

2. Thutthlêngsei (Bench) min pêkte a tangkaiin a lâwmawm hle mai. A inchen loh hlawm avângin hmanna leh dah khâwmna lamah a buaihlâk deuh thin a. A theih hrâm chuan a sei zâwng ft 6 leh a hlai zawng ft 1 ni se, a lâwmawm khawp ang.

Khawngaihna leh duhsaknaa thilpêk min petu zawng zawng hnênah Lalpa Isua Krista hmingin lâwm thu kan sawi takmeuh a ni. Hêng in thilpêk kan dawnte hian damlo awm man harsate thlamuang taka a awmtîr bâkah Hospital mamawh tam tak min phuhrûksak baw a ni.

Sd/-
(REV. R. RAMDINMAWIA)
Chaplain
Synod Hospital, Durtlâng

SYNOD CHHAWMDAWLNA

Tûn hnaia harsatna hrang hrang tâwkte hnênah Synod Relief Fund aţangin hetiang hian chhawmdâwna pek a ni:

Sl. No.	Khua	Pêk chhan	Chhûngkaw zât	Pêk zât
1	Reiêk	Damlo	1	₹8,000/-
2	Khuangpuiâm	In kâng	1	₹10,000/-
3	Saikhawthlîr	In kâng	1	₹10,000/-
4	Vaikhawtlâng	Damlo	2	₹16,000/-
Total				₹44,000/-

WOMEN CENTRE THAWKTU THAR

Heng mite hi kumin 2022 chungga Women Centre-a thawk turin Managing Committee wawi 39:iv of 14.01.2022-in a la :

Hming	Pa hming	Kohhran
1. Puanthui zirtirtu		
(1) K. Vanrammawii	T.Upa Lalzawmliana	N. Lungleng
(2) Elo Lalremsangi	L.V. Sanga	Vaitin
2. Security Guard		
(1) K. Lalrinkima	K. Nghaksanga(L)	N. Vanlaiphai Bangla Veng



KOHRAN DIN ẸAN NI

January ni 11, 2022 (Thawhlehi) kha Mizoram Presbyterian Kohhran Din Ẹan Ni a ni a. Hripui lêng avângin kum dang angin hman a rem lo va, tualchhông kohhranah mahni remchân dâna hman a ni. Kum 2016 Synod Inkhâmpui chuan January ni 11, 1894 kha Mizoram Presbyterian Kohhran Din Ẹan Ni atân a pawm a, Kohhran ni serhah a puang bawk a ni.

LAY LEADERS' TRAINING

Synod Multipurpose Training Centre Managing Committee ruahman angin December ni 15–18, 2021 chhông khân Silchar Mission Compound-ah Cachar Tlângram Presbytery Upate Puala Lay Leaders' Training buatsaih a ni a, Kohhran Upa 47 an kal. Resource Person-te chu – Rev. C. Chawngliana, Chawnpui Vêng, Aizâwl; Rev. T.C. Lalanzova, Zonuam East, Aizâwl; Rev. F. Lalrinnunga, Kanan Vêng, Aizâwl; Rev. Lalrinthara, Director, SMTC-te an ni. December ni 15, 2021 zân dâr 6:30-ah Rev. Dr. Rualthankhûma, A/S, Barak Area-in he training hi hawngin thuchah a sawi nghâl.

REVIVAL CRUSADE

November 29 – December 12, 2021 chhông khân Châltlâng Kohhran chuan T.Upa R. Lallungmuana, Speaker, Hebron Revival Team ruaiin Revival Crusade an buatsaih a. Hripui lêng kârah Kohhran inkhawm an Ẹhain Kohhranin an hlâwkpu hle.

CENTRAL KẸP HRUAITUTE ZINNA

January ni 12, 2022 (Nilaini) khan Kolasib-ah KẸP General Conferece chungchâng Kolasib DC nêna meeting neiin Central KẸP hruaitute : Rev. Vanlalmuanpuia Kiangte, Leader; Rorelkima, Asst. Leader; T.Upa MalsÂwmtluanga, Asst. Secretary; P.C. Lalrinsâng, Treasurer; Upa Lalrinmawia Râlte, Finance Secretary-te an kal.

TIHDIKNA

Kumin Puitling Sunday School zirlai 3-na leh 4-na tihdik ngai a awm a, mahni zirlaibuah kan lo siam Ẹha mai dawn nia.

- Phêk 17-na tlar 3-naa, "puithiam lalte leh Levia' tih aiah "puithiamte leh Levia chia mite' tih zawk tur a ni a.
- Phêk 25-na tlar 1-naa, "(Dan 2)" tih aiah "(Dan 7)" tih zawk tur a ni e.

Rev. Dr P.R. Hmuaka

KUM 2022-2024 EDITORIAL BOARD

Synod Literature & Publication Board (SL&PB), ni 13.12.2021-a Ẹhu chuan hetiang hian kum 2022–2024 chhông chanchinbu enkawltu tûr a ruat:

1. Kristian Tlângau

Editor
Joint Editors

Rev. Lalbiaknia
Rev. V.L. Luaia Hânleh
Pu Zohmingliana Colney
Rev. K. Lalthanliana
Upa C. Lalêngzauva
Pu Lalremmawia

Business Manager

2. Synod Newsletter

Editorial Staff

Rev. Lalbiaknia
Rev. V.L. Luaia Hânleh
Upa K. Lalnginglova
Pu Zohmingliana Colney

3. Kristian Naupang

Editor
Managing Editor
Joint Editors

Pi Rinsailovi
Rev. Lalbiaknia
Upa Neihthanglûnga
Tv. Zohmangaiha
Pu R. Lalbiakdika
Rev. Benjamin Lalrinmawia
Pu Lalremmawia

Circulation Manager

SYNOD MISSION BOARD RINGTHAR ZAT

Kum 2021 chhunga Synod Mission Board hnuai ringthar neih zat hetiang hi a ni:

Sl. No.	Field	Ringthar zât
1	Arunachal East	101
2	Arunachal North	129
3	Arunachal West	87
4	Assam	117
5	Barak Area	102
6	Delhi	164
7	Home Mission North	62
8	Home Mission South	56
9	Jharkhand	494
10	Karbi Anglong	179
11	Calcutta	2,204
12	Lucknow	80
13	Nepal	104
14	Odisha	107
15	Patna	72
16	Siliguri	226
17	Tripura	890
18	Masihi Sangati*	5,145
Total		10,319

* Masihi Sangati hi field puitling a ni lo